

Cendekia Bitara hargai warga UMP

Sinar (Kuantan) 15/11/09 ms.P3

NORMAWATI MUHAMAD KASIM

KUANTAN - Anugerah Cendekia Bitara mampu berperanan sebagai rangsangan utama yang menyuburkan budaya penerbitan dan penyelidikan berkualiti serta berimpak tinggi daripada warga Universiti Malaysia Pahang (UMP).

Cansekor UMP, Tengku Mahkota Pahang, Tengku Abdullah Sultan Ahmad Shah berkata, dengan rangsangan seumpama ini, penerbitan dan penyelidikan yang dihasilkan berupaya mengangkat UMP ke satu aras dan tahap yang lebih membanggakan.

Menurutnya, dengan kecemerlangan yang dipacu oleh budaya kerja berasa-

kan nilai, berfokuskan strategi dan berpandukan prestasi, aspirasi dan cita-cita ini akan dapat direalisasikan.

"Pencapaian sesebuah universiti turut diukur dari aspek kecemerlangan penyelidikan, maka inisiatif strategik dan proaktif perlu digerakkan bagi melonjakkan kualiti penerbitan dan penyelidikan yang dihasilkan oleh UMP.

kepentingan masyarakat

"Penerbitan dan penyelidikan yang dihasilkan bukanlah sekadar untuk dipertandingkan, dipromosikan atau dipertontonkan tetapi UMP juga perlu memastikan penerbit-

an dan penyelidikan yang dihasilkan mempunyai impak serta boleh dimanfaatkan untuk kepentingan masyarakat," katanya semasa berucap di Malam Anugerah Cendekia Bitara, UMP, di sini, semalam.

Sementara itu, Naib Cancellor UMP, Profesor Datuk Dr Daing Nasir Ibrahim berkata, Malam Cendekia Bitara begitu bermakna kerana ini adalah kali pertama universiti memberikan penghargaan dan meraikan warga UMP yang telah mengharumkan nama universiti.

"Anugerah ini diberikan sebagai penghargaan universiti kepada kejayaan penyelidikan dan pencapaian kualiti bagi individu serta kumpulan yang telah mendapat pengiktirafan dari

dalam dan luar negara.

"UMP amat menghargai usaha ini dan sehingga hari ini, 383 projek penyelidikan sedang dijalankan di UMP melibatkan peruntukan RM 22.2 juta daripada 12 agensi

pembiaya dan 32 penerbitan ilmiah diterbitkan oleh UMP," katanya.

Penerima Anugerah Cendekia Bitara adalah Abdul Shukur Abd Razak yang membawa pulang

wang tunai, RM19,500 beserta sijil, Dr Mimi Sakinah Ab Munaim menerima RM10,000, Profesor Rosli Yunus menerima RM9,500 dan Mohd Zaki Ahmad menerima RM5,000.



● Tengku Abdullah (lima dari kanan) bergambar bersama penerima Anugerah Cendekia Bitara.